

罪
惟
錄

罪惟錄帝紀卷之十

孝宗敬皇帝

孝宗達天明道誠純中正聖文神武至仁大德敬皇帝名
祐鐘母紀貴妃生時有風雷之異天性沉默能書法九月
壬寅皇太子即皇帝位人赦以明年為弘治元年尊皇太
后周氏為聖慈仁壽太皇太后母后王氏為皇太后冊妃
張氏為皇后上大行尊諡禮部侍郎通政使李汝省謫成
邦州內監梁芳降少監南京間任太醫各官皆削秩逮獄
僧繼曉索籍為民方士太常卿趙玉芝鄧常恩等俱成邊
番僧國師法王領占竹等悉降革追奪勅印議杖發回四



川原居光相寺他僧道官下部察處其牧省黨吏部尚書
李裕右都御史劉敷禮部侍郎劉景等俱奪職戍申上御
西角門給事中李膺上四事有旨異端冗官及進獻各衙
門察革縣丞徐頊請追究先皇妃紀氏所以死狀上寢之
有旨下禮部皇親萬吉等官爵先辭退其金寶違禁器物
支過內所價銀並追還官呂太監懷恩於恩陽掌司禮監
事
冬十月盡罷傳陞官陞王興何喬新黎淳為戶刑工三部
尚書丙子有星變詔求直言庶吉士鄒智請進君子遠小
人因言閣臣薦安貪狡劉吉陰刻尹直奸諂薦致仕尚書

王恕王竑巡撫彰韶。可任。不報。進士李文祥上言新政。語切直。除咸寧縣丞。封占城王。子罕古來為王。勅安南還。其侵地。少師大學士萬安刑部尚書杜銘致仕。清錦衣武職。追尊紀氏為皇太后。上尊謚。葬大行皇帝於茂陵。十一月。革內外倉場太監凡員。加王恕為太子太保。吏部尚書改南兵部尚書。馬文升為左都御史。大學士尹直致仕。侍郎王景閔任。加大學士劉吉少傅。陞徐溥禮部尚書。進文淵閣。以劉健為禮部侍郎。兼學士。並入內閣。楊守陳為吏部侍郎。掌國子監事。丘濬進所著大學衍義補。陞禮部尚書。掌詹事府事。逮問梁芳李孜省等。以耿裕為南京兵部尚

書。參贊機務。十二月，復按察使閔珪巡撫順天。議祧懿祖廟，以德祖視周后稷，太祖視周文武，百世不遷，乃立祧廟於太廟之後，藏懿祖神主，祫祭則出之。升祔憲宗，別廟祀孝穆皇太后，曰奉慈殿。御史曹濟請削萬妃謚號，遷葬上日，止。勿復言。致仕兵部尚書王竑卒，謚莊肅。孝穆皇太后祔葬於茂陵。李孜省死於獄，旱災免湖廣屯糧十之六。擢南刑部員外林俊為雲南按察使。蘭寇并涼，蘭華保國公朱永提督團營，掌後府事，以勦是讚為南京左副都御史。黃孔昭為南京工部右侍郎。

弘治元年戊申春正月，改尚書王侍於原吏部。黎淳於南

禮部。陞臨潼知縣徐鏞為淮安知府。姚安縣判劉昂為叙
州知府。毀各祠廟。石函為太監所賫者。禁賜蟒衣。鹵入密
雲。蘭州廣寧。閏正月。起參政鄭時為副都御史。巡撫鄭陽
陞強珍為副使。侍郎楊守陳請開經筵。蚤朝。午朝聽政。可
行。訪考穆太后親屬。取回各處抽分御史。賜太監懷恩祭
葬。祠曰顯忠。江西賊楊九隆平。二月。籍田禮畢。宴教坊承
應。或出狎語。都御史馬文升正色曰。新天子當知稼穡艱
難。豈宜此瀆聰。帝斥去之。而坐二糾儀。御史下獄。文升以
即位之初。宜優容言官。得釋禁在京。私囑帖子。擢按察使
許進為僉都御史。巡撫大同。都御史屠滸督兩廣。秦紘督

漕運。晉世子母喪，乞廬墓，勅止之。封哈密都督罕慎為忠順王。使未即而罕慎為土魯番所殺。三月，幸太學，釋奠先師。南吏部主事儲璫疏舉謫籍丁璣。張言：「王純教毓元季，文祥等有曰：『與其別求敢諫之士，無如即用已試之人。』」詔付吏部起用。賜齊庶人子孫名，仍令傳寫朝報。南守備太監錢能閒住。

夏四月，加贈前尚書于謨謚忠愍。祠曰旌功。後按察使楊繼宗為左僉都御史，巡撫雲南。卒於道，追復廣東左布政使。陳選官。天壽山大雨雹，震驚陵寢，祭告戒中外。脩省侍讀張杲因數闕，臣劉吉十罪，且謂祈免彈射，昏夜欺門，尤

宜謹。言官魏璋等阿吉、交章論昇、昇坐左遷、御史陳嵩
請復昇官、不報、定贈繼母例、嘉興百戶陳輔劫庫放囚、殺
吏民、且為亂、命刑部侍郎彭韶巡視事、平、南犯蘭州、宣府
井肅、小王子自稱大元大可汗、近邊求貢、嚴脩之、存恤高
牆、庶人、六月、吏部尚書王恕請暫罷寒暑經筵、被劾、辭任、
不許、詔錄章綸原疏付史館、南給事中方何等御史黎昇
等劾大學士劉吉以下十九人、寧陽侯陳輔有罪、罷為民
逮妖僧繼曉伏誅。
秋七月、封皇后父張壘壽寧伯、南僉都御史高明卒、贊善
張元禎疏聖志聖孝聖智三事、禁雲南、太監進貢、兵部尚

書陸容奏罷營求都指揮二人。遂請武職薦舉如例。停名。
處採辦貢獻。八月、鹵犯獨石、馬營等處。九月、鹵請報使通。
和不許。乞比例陞職。許之。勘事提入後。給精微批。

冬十月、以旱災免河南等府稅糧。尚書周洪謨、少詹程敏。
政庶子王臣、咸被劾致仕。洪謨卒。謚文安。代王獻海、青書。
諭却之。勅東昌、兗州、濟南三府還。魯府種羊勿飼。賑湖廣。
召南兵部尚書耿裕於禮部。十一月、陝西回鶻及兩廣流。
賊平。十二月、贈建昌死事知縣莊英為通判。有是每歲旌。
節孝不以數。

弘治二年己酉春二月、太子太保兵部尚書余子俊卒。贈。

太保謚肅敏。改馬文昇代之謫。御史陽。蘇壽州知州。後與
御史劉榮並戍河西。謫廢吉士鄒智為廣東石城縣吏。目
李文祥為驛丞。先是。鄒概慷慨。嘗微論朝政。意在激清。內
聞劉吉追恨鄒智君子小人疏。屬御史劉璋誣劾鄒概。智
文祥等下獄。即訊不為屈。強坐妖言惑衆律。大辟大理寺。
評事夏鍬。吏部尚書王恕。次第疏放。得改謫。帝頗事齋醮。
言官韓鼎疏諫。并請設妃嬪以廣儲嗣。呂兩廣都御史屠
浦寧都察院事。以秦紘代。瀟三月免。相湖廣四川鹽法都
御史彭韶上灶戶疾苦圖。係以詩留覽。罷江西福建巡撫
官。

夏四月、免王恕午朝及風雨蚤朝、致仕吏部尚書李秉卒、
贈太子太保。六月、鹵入遼東宣府大同等處、草錦衣衛傳
奉等官。

秋七月、免南京各衛屯糧之半。詔三科舉人不許復試、下
第舉人林潤陳請再寬一科許之。踰年弛此例。田州知府
孔鏞招平峒獠。

冬十月、吏部侍郎楊守陳卒。謚文懿。哈察襲牙蘭、走之以
罕慎弟奄克字刺襲都督同知、仍給金印。山西妖賊王良
伏誅。十一月、賑順天饑。擢蕪州太守侶鐘為大理寺少卿。
阿里黑麻王由海道進獅子却之。天地壇齋宮祭服庫火。

令州縣選民壯

弘治三年庚戌春正月壽寧伯樂進封侯太監蔣珠有罪奉勘三法司及侍郎御史十餘人停俸降調有差琮視事如故烏斯藏定三年一貢二月免租直隸河南開封兩廣總督秦紘再劾安遠侯柳景景反劾紘革景職逮賊紘致仕三月致仕大學士劉珏卒謚文和

夏四月改刑部侍郎彭韶於吏部國入宣府大同以韓文為副都御史巡撫寧夏土官岑欽攻遂田州知府岑溥總督秦紘以兵歸溥

秋七月河決原武命戶部侍郎白昂治之皇親紀實紀旺

以詐冒遣成廢武邑王聰誅為庶人占城國王罕古來得
入國奏謝并以其餽勞苦都御史屠濬濬以歸朝廷上固
予濬曰臣臺長也而受外國金何以率下平不受八月立
孝穆皇太后祠於廣西閏九月禁藩府請田授宋儒朱熹
九世孫貞發源訓導

冬十一月以彗星見停諸工作撤江西燒造內官鄖陽巡
撫戴珊勸蜀盜野王剛平之

弘治四年辛亥春正月以脩省免上元節假郊免慶賀宴
小王子來貢戶部尚書李敏疾歸卒二月右都御史屠濬
疾歸盡驅番僧止僧一百八十二人討陵水縣黎賊敗之

南禮部尚書黎淳致仕、葉明、明語。

夏四月、禮部尚書耿裕侍郎倪岳坐失火下獄、以丘濬代

裕、者賊入河州、五月、追謫吳雲忠節、南祭酒謝鐸致仕、

秋七月、角入井肅白石崖等處、八月、以水災暫停江南織

造、土魯番入貢、以哈密城全印來歸、刑部尚書何喬新素

與閣臣忤、去、去、去、御史鄒魯誣訐喬新、私所親魏紳疏

陞大理、逮獄、訊無實、喬新致仕、封皇弟五王、秦汝臣復午

朝、九月、陞彭韶刑部尚書、皇長子厚始生、是為武宗皇帝、

彰平盜流入安溪、擊平之、大學士劉吉罷、

冬十月、改封興王於安陸州、陞劉璋南禮部尚書、禮部尚

書丘濬入文淵閣辦事。黃河溢，賑沿河被災者。寇并肅
住牧古北口。八寨賊韋柒旋等攻劫賓州，擢吏部左侍
郎張悅為南兵部尚書。十一月，代府寧化王鍾炳、晉府慶
成王長子奇清皆以罪革爵。廣東賊平，十二月，貴州苗也
富架作亂，掠都勻、清平等處。南渭王長子應鑑有罪，廢徙
鳳陽，掌錦衣衛事。都指揮使朱驥卒，驥性寬厚，初坎人真
惠者偽為書惑衆，多株連驥，但坐首事，惠復潛滅，傳示諸
書，得論數百人起秦紇南戶部尚書。皇太后推恩，凡王源
瑞安伯、弟清崇善伯、濬安仁伯、源尋進為侯。

弘治五年壬子春正月，遼府鎮國將軍思鑑有罪，廢徙鳳

陽代府輔國將軍或旣有罪廢為庶人福建賊溫文進伏
誅王陟已為忠順王填哈密三月冊立皇長子為皇太子
大赦討廣西搖賊副總兵馬俊參議馬鉉戰死贈鉉參政
兩廣會兵討之賊流劫瀘水縣因犯井肅宣大禁永平等
府開鑛

夏四月大學士上濟以災異迭見疏請端身以知本清心
以應務禁私謁以肅朝政明禮義以絕神仙節經費勿至
於耗國公任用勿至於偏聽上嘉納之詔錄開國功臣之
失所者陽開平曾孫常後寧河玄孫聯炳岐俱授南京錦衣
衛指揮使給事中吳士偉奏景泰中以誠意伯之裔與顏

並為五經博士。不合例。改其九世孫瑜。處州衛指揮使。六月。從大學士瀋謙建重樓藏寶訓實錄。併諸書籍。內庠光祿寺供應。自白糧外。俱停解。收支置辦。閏八。宣府及古北口。秋七月。錄曾子顥榆遺派。八月。改監課中憲。即俱於運司。後。納額課解部。貯太倉。備邊。壽寧侯張鑑卒。子鶴齡襲封。冬十二月。廢荆王。見滿為庶人。弘治六年癸丑春正月。閏八。宣府戰敗於龍門。免山東鹽課。大討寨二千五百餘員。二月。擢浙江布政使劉大夏為副都御史。治張秋決河。三月。免大學士徐溥早朝。頒武經七